



sport & recreation

Department:
Sport and Recreation South Africa
REPUBLIC OF SOUTH AFRICA

**BUKANA YA METSHAMEKO LE BOITAPOLOSO YA
AFORIKABOWA (SRSA) go ya ka Karolo 14 ya Molao wa
Thotloetso ya Phitlhelelo ya Tshedimosetso wa 2000 (Molao
wa No. 2 wa 2000)**

E DUMELETSWE KE

**RRE A. MOEMI
MOKAEDIKAKARETSO
METSHAMEKO LE BOITAPOLOSO YA AFORIKABORWA
LETLHA:**

THULAGANYO YA DITENG

1. Ditiro tsa Metshameko le Boitapoloso ya Aforikaborwa (SRSA)	3
1.1 Maikaelelo a a Ka ga Dipholo a Togamaano a SRSA ke	3
1.2 Dikarolo tse di Botlhokwa tsa Tiro	3
1.3 Tlhagiso ya Maikaelelo	4
1.4 Melawana	4
1.5 Moono	5
1.6 Letlhomeso la Badirisani	5
2. Popego ya SRSA	5
2.1 Maitshetlego	5
3. Dintlha tsa kgolagano tsa Motlhankedi wa Tshedimosetso le Batlatsa Batlhankedi ba Tshedimosetso	6
3.1 Motlhankedi wa Tshedimosetso	6
3.2 Batlatsa Batlhankedi ba Tshedimosetso	6
3.3 Dintlha tsa Kgolagano tsa Kakaretso	7
4. Kaedi ya Khomišene ya Ditshwanelo tsa Botho mabapi le ka moo Molao o tshwanetseng go dirisiwa ka teng	8
5. Phitlhelelo ya Direkhoto	9
5.1 Tlhaloso ya dilwana tse SRSA e nang le direkhoto ka ga tsona le Dikarolo tsa direkhoto tse di tshotsweng go nngwe le nngwe ya selwana	9
5.2 Tshenolo ya Boithaopo le Direkhoto tse di leng teng ka tshamalalo	12
5.3 Thulganyo ya kopo	13
6. Ditirelo tse di leng teng go setšhaba le gore di ka fitlhelelwa jang (ditirelo)	14
6.1 Ditirelo	14
6.2 Ka moo o ka bonang phitlhelelo ya ditirelo ka teng	15
7. Thulaganyo e e letlelelang go nna le seabe ga setšhaba mo go direng pholisi le tiragatso ya ditiro	16
7.1 Pholisi ya Tshedimosetso le Peomolao	16
8. Dipaakanyo tse di leng teng mabapi le dikgato kgotsa dithetelo mabapi le go dira	16
8.1 Dithulaganyo tsa go bega kgotsa go baakanya	16
8.2 Dipaakanyo tse dingwe tse di thusang	17
8.3 Tiro ya go bega	18

9. Tlhabololo ya bukana	18
10. Go nna teng ga bukana	18

1. DOTIRO TSA METSHAMEKO LE BOITAPOLOSO YA AFORIKABORWA (SRSA)

Maikaelelo a Metshameko le Boitapoloso ya Aforikaborwa ke go tihabolola boleng jwa botshelo jwa Maaforikaborwa otlhe ka go rotloetsa go na le seabe mo metshamekong le mo boitapolosong mo nageng, le ka seabe sa batho ba metshameko ba Aforikaborwa le ditlhopha mo ditiragalong tsa boditšhaba tsa metshameko. Tiro ya SRSA e ema nokeng Lefapha ka go diragatsa taolelo ya lona ya sepolotiki go lebelela tihabololo le tsamaiso ya metshameko le boitapoloso mo Aforikaborwa.

1.1 Maikaelelo a a Ka ga Dipholo a Togamaano a SRSA ke:

a.

Maikaelelo a togamaano a 1	Baagi ba tshwanetse go fitlhelela ditiro tsa metshameko le boitapoloso
Tlhagiso ya maikaelelo	Baagi ba tshwanetse go fitlhelela ditiro tsa metshameko le boitapoloso gore go tle go nne le koketsego ya ngwaga ya 5% mo seabeng sa baagi mo metshamekong le mo boitapolosong mo ditirong tse di rileng ka 2019.
Maitlhommo a Togamaano	Manaane a a siameng a boitapoloso a tshwanetse go tsenngwa tirisong. Ditšhono tsa seabe mo metshamekong di tshwanetse go neelwa baagi. Manaane a metshameko a dikolo a tshwanetse go emiwa nokeng. Manaane a tihabololo ya metshameko a diporofense a tshwanetse go emiwa nokeng Phitlhelelo ya dibebofatsi tsa metshameko le boitapoloso di tshwanetse go rulaganngwa. Kemonokeng ya tsamaiso le ya setegeniki di tshwanetse go neelwa.

b.

Maikaelelo a togamaano a 2	Lephata la metshameko le boitapoloso le tshwanetse go tihabololwa sentle
Tlhagiso ya maikaelelo	80% tsa di-NF tse di amogetsweng di tshwanetse go fitlhelela ditotiwa tsa tihabololo ka 2019.
Maitlhommo a Togamaano	Manaane a a siameng a boitapoloso a tshwanetse go tsenngwa tirisong Ditšhono tsa seabe mo metshamekong di tshwanetse go neelwa baagi. Manaane a metshameko a dikolo a tshwanetse go emiwa nokeng Manaane a tihabololo ya metshameko a diporofense a tshwanetse go emiwa nokeng

Manaane a tlhabololo a tshwanetse go tsenngwa tirisong le go tlhokomelwa.
Phitlhelelo ya dibebofatsi tsa metshameko le boitapoloso di tshwanetse go rulagannngwa.
Kemonokeng ya tsamaiso le ya setegeniki di tshwanetse go neelwa.

c.

Maikaelelo a togamaano a 3 Batabogi ba fitlhelela katlego ya boditšhaba

Tlhagiso ya maikaelelo Batabogi le ditlhopho ba fitlhelela katlego mo ditiragalong tsa boditšhaba ka ntlha ya gore ba emiwa nokeng ke dithuso tsa tiragatso e e kwa godimo. Katlego e malebana le tokafalo mo tiragatsong ya Aforikaborwa mo ditiragalong tse di farologaneng tse di nang le melawana; kgotsa tokafatso le/kgotsa tlhokomelo ya direnke tsa lefatshe melawaneng e e rileng ya metshameko.

Maitlhomona Togamaano Ditiirelo tsa kemonokeng tsa saense tse di golaganyeditsweng batabogi.

Ditiragalo tse dikgolo tse di dumeletsweng di tshwanetse go emiwa nokeng.

Bojanala jwa Metshameko go Aforikaborwa bo tshwanetse go rotloediwa.

Diphitlhelelo mo lephateng la metshameko le boitapoloso di tshwanetse go lebogiwa.

d.

Maikaelelo a togamaano a 4 Mekgwa e e thusang ya go emanokeng metshameko le boitapoloso

Tlhagiso ya maikaelelo Mokgwa o o tshwaraganeng wa dithusi (seka, dibebofatsi; dikelotlhoko malebana le metshameko; mokgwa wa akademi; ntlo ya metshameko; setheo sa tshedimosetso ka ga metshameko; dikamano tse di mosola tsa boditšhaba le kgaso ya metshameko ya kemonokeng le diketleetsa) o tshwanetse go tlhomiwa le go dira ka botlalo ka 2019.

Maitlhomona Togamaano Manaane a a siameng a boitapoloso a tshwanetse go tsenngwa tirisong

Manaane a tlhabololo ya metshameko a diporofense a tshwanetse go emiwa nokeng

Taolo e e siameng e tshwanetse go emiwa nokeng

Mekgatlho ya metshameko le boitapoloso e tshwanetse go emiwa nokeng

Dikamano tsa dinaga tse pedi tsa togamaano di tshwanetse go laolwa le go maatlafadiwa

Seabe mo dikamanong tsa dinaga tse dintsi tsa togamaano se tshwanetse go laolwa
Phitlhelelo ya dibebofatsi tsa metshameko le boitapoloso di tshwanetse go rulagannwa.
Kemonokeng ya tsamaiso le ya setegeniki di tshwanetse go neelwa.

e.
Maikaelelo a togamaano a 5
Tlhagiso ya maikaelelo
Maitlhomona
Togamaano

Metshameko e tshwanetse go dirisiwa jaaka sedirisiwa sa go ema nokeng ditotiwa tse di maleba tsa puso e bile e le tsa lefatshe lotlhe

Koketsego ya 5% ka 2019 mo kakanyong ya gore metshameko e tshwanetse go amogelwa ke setšhaba sa Aforikaborwa ka e na le seabe mo kagong ya setšhaba.
Metshameko e tshwanetse go dirisiwa jaaka sedirisiwa sa go nna le seabe mo ditotiweng di ka nna nne tsa lefatshe ka 2019
Thulaganyo e e maatla, tlhokomelo le tlhatlhobo.
Maikarabelo a puso mabapi le thibelo ya tiriso ya diritibatsi a tshwanetse go emiwa nokeng.

f.
Maikaelelo a togamaano a 6
Tlhagiso ya maikaelelo
Maitlhomona
Togamaano

Mokgatlo o o nonofileng gape o le maatla

Go tsenyatirisong dithulaganyo tsa boditšhaba go netefatsa gore ka ngwaga SRSA e bona pegelo ya thuno e e siameng le reiti ya MPAT ya 4 mo dingwageng di le 5.
Taolelo ya sepolotiki le ya peomolao e tshwanetse go rebolwa.
Kaelo ya togamaano, taolo ya tiragatso ya ditheo, kemonokeng ya tsamaiso le maikarabelo a ditšhelete di tshwanetse go neelwa.
Taolo e e maatla, tsamaiso ya kgonagalo ya dikotsi le taolo di tshwanetse go tlhatlhobiwa le go tokafadiwa.
Thulaganyo e e maatla, tlhokomelo le tlhatlhobo.
Ditirelo tsa botlhe tse di ikanyegang e bile di nonofile di tshwanetse go direlwa SRSA.
Kobamelo ya tsmaiso ya ditšhelete, ya tshenkelo le ya dithoto e tshwanetse go netefadiwa.
Bonno jwa dikantoro bo tshwanetse go laolwa.

1.2 Dikarolo tse di Botlhokwa tsa Tiro

Maikaelelo a lefapha ke go oketsa phitlhelelo, tlhabololo le maatlametlo mo maemong otlhe a seabe mo metshamekong le mo boitapolosong go rotloetsa boitekanelo jwa mmele, go rotloetsa momagano ya loago, kago ya setšhaba, le

boleng jwa botshelo jwa Maaforikaborwa otlhe. Go fitlhelela se, Lefapha le rulagantswe go ya ka manaane a a latelang a le matlhano:

Lenaane la 1: Tsamaiso

Go laola Lefapha le go tlamela ka ditirelo tsotlhe tsa tshegetso tsa togamaano le tsa tsamaiso.

Lenaane la bo 2: Setšhaba se se Matlhagatlhaga

Go ema nokeng tlamelo ya ditšhono tsa seabe sa bontsi mo metshamekong le mo boitapolosong.

Lenaane la bo 3: Setšhaba se se Fenyang

Go emanokeng tlhabololo ya batabogi ba maemo a a kwa godimo.

Lenaane la bo 4: Tshegetso ya Metshameko

Go tlhagisa le go tlhokomela mokgwa o o tshwaraganeng wa tshegetso go tokafatsa thebolo ya metshameko le boitapoloso.

Lenaane la bo 5: Tshegetso ya Mafaratlhatlha

Go laola le go tsamaisa tlamelo ya dibebofatsi tsa metshameko le boitapoloso.

1.3 Tlhagiso ya Maikaelelo

Ponelopele le maikaelelo a SRSA ke a a latelang:

- a) Ponelopele: Setšhaba se se matlhagatlhaga se se fenyang.
- b) Maikaelelo: Go tokafatsa thebolo ya metshameko le boitapoloso ka go netefatsa phitlhelelo e e lekanang, tlhabololo le maatlametlo mo maemong otlhe a go nna le seabe le go rotloetsa diabe tsa ikonomiloago tse di ka kgonang go tlhagisa botshelo jo bo botoka go Maaforikaborwa otlhe.

1.4 Melawana:

Tiro ya SRSA e tsibosiwa ke melawana e e latelang

- Maikarabelo: Go rwala maikarabelo a ditiro le ditshwetso.
- Batho Pele: Go baya batho kwa pele.
- Boineelo: Go dira thata le go ineela mo tirelong ya maatlametlo maatlametlo.
- Boitlhamelo: Go batla ditharabololo tse di siameng.
- Seriti: Go dira dilo tse di siameng le fa o sa lebelelwa
- Bosenangbofitlha: Go amogela go ka batlisisiwa
- Tirisano: Go supa kakaretso mo thebolong.

1.5 Moono

“Gore O nne Matlhagatlhaga”

1.6 Letlhomeso la Badirisani:

Letlhomeso la Badirisani la Lefapha le kgaogantswe ka baamogeladitshiamelo; badirisani; baamegi le batlamedi ba ditirelo. Go sosobanya, badirisani ba Lefapha ba akaretsa Mokgatlho wa Metshameko o o itsegeng le mekgatlho e mengwe ya selegae le ya boditšhaba ya metshameko le boitapoloso; mekgatlho ya setšhaba ya SRSA: Mabole a Aforikaborwa (BSA) le Setheo sa Motshameko o o Golosegileng mo Diritibatsing sa Aforikaborwa (SAIDS); Dikhansale tsa Metshameko ya Selegae; Mekgatlho e e seng ya Puso (sekae: SCORE, Terasete ya Metshameko, Bagaka ba Metshameko, LoveLife); di-SETA; SAQA; Ditheo tsa Thuto e Kgolwane (USSA); Diakademi tsa Diporofense; Lephata la Poraefete; Setšhaba sa Aforikaborwa; Mekgatlho ya Boditšhaba le ya Kontinente; Palamente; Mafapha a Puso (a Bosetšhaba le a Diporofense); badiri ba SRSA; Batabogi; Dipuso tsa Boditšhaba, di-NGO le ditheo tsa puso; Ditheo tsa Tiragatso e e kwa Godimo; Baetleetsi; Dipuso tsa Selegae le Bobegakgang.

2. POPEGO YA SRSA

2.1 Maitshetlego

- Mo seemong sa sepolotiki, SRSA se eteletswetsele ke Tona, (Rre Fikile Mbalula), le Motlatsatona, (Rre Gert C. Oosthuizen) fa mo botsamaising, se eteletswepele ke Mokaedikakaretso, Rre Alec Moemi. Rre Moemi o thusiwa ke Motlhankedimogolo wa Ditiro (COO), Moh Sumayya Khan.
- SRSA sa ga jaana se nnile teng morago ga go kopanngwa ga Khomišene ya Metshameko ya Aforikaborwa le Lefapha la Metshameko le Boitapoloso. Fa kwa maemong a diporofense mafapha a metshameko le boitapoloso le ona a rwele mikarabelo a botsweretshi le setso, mo maemong a bosetšhaba, ga go a nna jalo. SRSA le Lefapha la Botsweretshi le Setso ke ditheo tsa puso tsa Puso nngwe le nngwe ka dipholisi tsa sona, dipopego tsa botsamaisi, le badiri.
- Thulaganyo ya popego ya SRSA e dirilwe ka thulaganyo ya yona ya maitlhommo a togamaano le dikarolo tsa yona tsa tiragatso. Popego e ntšha e dirilwe go tshegetsa Thulaganyo ya Metshameko le Boitapoloso. Popego fa e dumeletswa, e ya go tsenngwa mo tirisong ka dikgato.
- Kwa ntle ga SRSA, go na le ditheo di le pedi tse di ikarabelang go Tona ya Metshameko le Boitapoloso mo Aforikaborwa, e leng: Mabole a

Aforikaborwa (BSA) le Setheo sa Motshameko o o Gololesegileng mo Diritibatsing sa Aforikaborwa (SAIDS).

- BSA e ne ya tlhamiwa go ya ka Molao wa Mabile wa Aforikaborwa wa 2001 (Molao wa No. 11 wa 2001) go tsamaisa le go laola mabile mo Rephaboliking (go rotloetsa mabile le go sireletsa dikgatlhego tsa batho ba tsa mabile le batlhankedi. E sekaseka dikopo tsa dilaesense go tswa go baamegi botlhe mo maboleng a porofesenale, e dumelela dintwa, e tsenyatirisong melawana e e maleba, le go fatlhosa batho ba tsa mabile, barotloetsi, batlhankedi ba mosako, batsamaisi le bakatisi).
- SAIDS e ne ya tlhomiwa go ya ka Molao wa Setheo sa Aforikaborwa wa Motshameko o o Gololesegileng mo Diritibatsing wa 1997 (Molao wa No. 14 wa 1997). Tiro ya yona e kgolo ke go rotloetsa go nna le seabe mo motshamekong, o o sa diriseng diritibatsi tse di seng ka fa molaong tse di tsholetsang tiragatso, le go ruta batho ba tsa metshameko ka ditlamorago tse di kotsi tsa go dirisa diritibatsi. Gape e lwantsha go dirisa diritibatsi mo metshamekong; go netefatsa tshameko e e siameng le maitsholo mo metshamekong; le go sireletsa boitekanelo/pholo ya batshameki.
- Popego ya setshwantsho sa SRSA e tsentswe e le Mametlelelo ya “A”

3. DINTLHA TSA KGOLAGANO TSA MOTLHANKEDI WA TSHEDIMOSETSO LE BATLATSA BATLHANKEDI BA TSHEDIMOSETSO

3.1 Mokaedikakaretso wa SRSA, Rre Alec Moemi, ke Motlhankedi wa Tshedimosetso go ya ka Molao wa Thotloetsa ya Phitlhelelo ya Tshedimosetso. Dintlha tsa gagwe tsa kgolagano ke tse di latelang: DG@srsa.gov.za, Mogala (012) 304-5249.

3.2 Batho ba ba latelang ba thapilwe go nna Batlatsa Batlhankedi ba Tshedimosetso:

- a) Rre Manase Makwela, Mokaedi: Papatso & Tlhaeletsano - manase@srsa.gov.za, Mogala (012) 304-5017
- b) Rre Paena Galane, Motlhankedi wa Kgolagano ya Bobegakgang, paena@srsa.gov.za, Mogala (012) 304-5255
- c) Moh Sumayya Khan, Motlhankedimogolo wa Ditiro: SRSA, sumayya@srsa.gov.za, Mogala (012) 304-5274
- d) Rre Tsholofelo Lejaka, Mokaedimogolo: Ditirelo tsa Botlhe - tsholofelo@srsa.gov.za, Mogala. (012) 304-5294
- e) Rre Makoto Matlala, Motlhankedimogolo wa Matlotlo, - makoto@srsa.gov.za, Mogala (012) 304-5166

- f) Ngk Bernardus Van der Spuy, Mokaedimogolo: Tshegetso ya Khuduthamaga le Tsamaiso ya Togamaano, – bernardus@srsa.gov.za, Mogala (012) 304-5146
- g) Mop Paul Singh, Mokaedimogolo: Tshegetso ya Badirelwa, Kgolagano, Ditiragalo & Dibebofatsi, paul@srsa.gov.za, Mogala (012) 304-5258
- h) Moh Thokozile (Kelly) Mkhonto, Mokaedi: Metshameko ya Setšhaba, – kelly@srsa.gov.za, Mogala (012) 304-5171
- i) Moh Hajira Skaal, Mokaedi: Ditirelo tsa Thuso tsa Saense, – hajira@srsa.gov.za, Mogala (012) 304-5163
- j) Rre Daniel Mabulane, Mokaedi: Botsamaisi jwa Badiri & Tlhabololo, danielm@srsa.gov.za, Mogala (012) 304 – 5224
- k) Rre Retief Le Roux, Mokaedi: Ditirelo tsa Tlaleletso, retief@srsa.gov.za, Mogala (012) 304 - 5035
- l) Ngk Ruth Mojalefa, Mokaedi: Tsamaiso ya Togamaano, Tlhokomelo le Tlhatlhobo, ruth@srsa.gov.za, Mogala (012) 304-5019
- m) Rre Masilo Maake, Mokaedi: Dikamano tsa Badiri, masilo@srsa.gov.za, Mogala (012) 304-5152.

3.3 Tshedimosetso ka Kakaretso:

a) Aterese ya Poso:

Private Bag X896
 PRETORIA
 0001
 Rephaboliki ya Aforikaborwa

b) Aterese ya Mmila:

RegentPlaceBuilding
 66 Mmila wa Queen
 PRETORIA

(Aterese e magareng ga mmila wa Thabo Sehume le wa Lilian Ngoyi, mme botseno jwa dijanaga bo fitlhewa kwa sekhutlong sa mmila wa Thabo Sehume le wa Helen Joseph).

c) Fekese: (012) 323-8440

d) Webosaete: www.srsa.gov.za

e) Mogala: (012) 304-5000

4. KAEDI YA KHOMIŠENE YA DITSHWANELO TSA BOTHO MABAPI LE KA MOO MOLAO O TSHWANETSENG GO DIRISIWA KA TENG

Kaedi e e mabapi le ka moo Molao wa Thotloetso ya Phitlhelelo wa 2000 o tshwanetseng go dirisiwa ka teng, e teng kwa Khomišeneng ya Ditshwanelo tsa Botho ya Aforikaborwa. Dipotso di ka romelwa go:

Khomišene ya Ditshwanelo tsa Botho ya Aforikaborwa: Yuniti ya PAIA Lefapha la Dipatlisiso le Ditokomane

a) Aterese ya Poso:

Private Bag x2700
Houghton 2041

b) Mogala: 011-484 8300

c) Fekese: 011 484 1360

d) Webosaete: www.sahrc.org.za

e) Imeili: PAIA@sahrc.org.za

5. PHITLHELELO YA DIREKHO

5.1 TLHALOSO YA DILWANA TSE SRSA SE NANG LE DIREKHOTO KA GA TSONA LE DIKAROLO TSA DIREKHOTO TSE DI TSHOTSWENG GO NNGWE LE NNGWE YA SELWANA

Ka maikaelelo a go bebofatsa kopo go ya ka Molao, tlhaloso ya dilwana tse SRSA se nang le direkhoto ka ga tsona le dikarolo tsa direkhoto tse di tshotsweng go nngwe le nngwe ya selwana ke tse di latelang:

5.1.1 DITIRELO TSA BOTLHE

a) Papatso & Tihaeletsano:

Merero e e amanang le Dikgatiso tsa ka fa gare le tsa kwa ntle tse di jaaka malwalotshedimose tso, dimakasine le Pegelo ya Ngwaga ya SRSA; Dipuo le Melaetsa ya tshegetso; dipegelo tsa Bobegakgang ka ga Metshameko le Boitapoloso; gape le tshedimose tso mabapi le Dipasalatsopapatso tsa Papatso (go sa akaretse dipasalatsopapatso tse di amanang le tsa badiri).

b) Thekenoloji ya Tshedimose tso

Tshedimose tso e e amanang le Thekenoloji ya Tshedimose tso ya Mafaratlhatlha a Tihaeletsano [kgokaganyo ya dikhophiutara, go neelwa ga

dikhomphiutara le didirisiwa tse di amegang le software], go neelwa ga Ditharabololo tsa Kgwebo ka mekgwa ya dikhomphiutara, le Dipholisi.

c) Botsamaisi jwa Badiri le Tlhabololo:

Merero e e amanang le manaane a a kgethegileng a a totileng badiri; Pholisi ya Badiri le thulaganyo; Sebopego sa Thulganyo; Tlhabololo ya Badiri (go akaretsa katiso); Tsamaiso ya Tiragatso; Patlo ya badiri, le go Laola Maemo a Tirelo a badiri.

d) Dikamano tsa Badiri

Tshedimosetso e e amanang le Dikamano tsa Badiri tsa badiri; Dikgetsi tsa Kgalemo; Dikganetsano; Dingongorego le Dipholisi.

Ditirelo tsa Semolao

Tshedimosetso e e amanang le ditirelo tsa semolao go ya ka dintlha tsa tshekiso le kgakololo, peomolao le dikonteraka, gape le dipholisi.

f) Ditirelo tsa Tlaleletso

Tshedimosetso e e amanang le Ditirelo tsa Thoto (tsamaiso ya kago); Ditirelo tsa Pabalesego; Tlhokomelo ka Kakaretso; Didirisiwa (dipalangwa; ditirelo tsa morongwa/mokgweetsi; ditirelo tsa bokwadisetso; le ditirelo tsa kamogelo/bokwapele) gape le Dipholisi.

5.1.2 TSAMAISO YA MATLOTLO:

- a) Tshedimosetso e e amanang le tsamaiso ya Ditshenyegelo; Palotlotlo; Tekanyetsokabo le Pego, jaaka Ditlhagiso tsa MTEF le Ditatamente tsa Matlotlo gape le dipholisi.
- b) Tshedimosetso e e amanang le Pholisi ya Thulaganyo ya Tshenkelo (thulaganyo le pono); Tsamaiso ya Thoto; le tsamaiso ya Thulganyo ya Tshenkelo. Ka bokhutshwane, se ke tshedimosetso e e amanang le kwadiso ya baneeladidirisiwa; ditokomane tsa go batla tiro; le go rebolwa ga dinomoro tsa diodara. Tshedimosetso e akaretsa gape Dipholisi tsa Tshenkelo; Rejisetara ya Thoto ya Lefapha; ditokomane tsa Dithendara tse di amogetsweng go baneeladidirisiwa, morago ga go abiwa ga thendara; le Dikonteraka le baneeladidirisiwa.

5.1.3 TSHEGETSO YA TOGAMAANO

Tshedimosetso e e amanang le Tsamaiso ya Togamaano, Tlhokomelo ke Tlhatlhobo ya manaane a SRSA., gape le dipegelo tsa tshedimosetso tsa tiragatso ya SRSA.

5.1.4 THUNO YA KA FA GARE

Tshedimosetso e e amanang le thuno ya ka fa Gare le tsamaiso ya kgonagalo ya kotsi.

5.1.5 LEFAPHA

Tshedimosetso e e amanang le manaane a phitlhelelo a Lefapha, ditiro tsa bobegakgang le maeto a a neng a tsewa.

5.1.6 TSAMAISO

Tshedimosetso ka ga tsamaiso ya ditlhopha tsa Tiro; thuno ya ka fa gare le tsamaiso ya kgonaglo ya kotsi; gape le tshegetso ya khuduthamaga ya lefapha.

5.1.7 BONNO JWA KANTORO

Tshedimosetso e e amanang le go bona gore SRSA le nna le dikantoro tse di lekaneng.

5.18 BOITAPOLOSO JO BO MATLHAGATLHAGA

Tshedimosetso e e amanang le matsholo le manaane a a oketsang kamego e e lebisang kwa tshiamong ya botshelo jo boleele; Komiti ya Kgakololo ya Tona e e ka ga Boitapoloso (MACRe) e e thusang SRSA go fitlhelela botlhokwa jwa togamaano ya boitapoloso; Tshedimosetso ka ga diporojeke di tshwana le Kampa ya Bosetšhaba ya Baša, Tsheko ya Botshelo, le Motsamao o Mogolo.

5.19 METSHAMEKO YA SETŠHABA

Tshedimosetso ka ga sebopego sa ditlhopha sa metshameko le boitapoloso; Metshameko e e fetotsweng; Lenaane la bosetšhaba la mekgatlho ya baithaopi ya metshameko; Metshameko ya Tihago; Takuma mascot; “bese ya metshameko”; manaane a Phetogo ya Loago le Tlhabololo a Metshameko; lenaane la kwa magaeng la tokafatso ya metshameko; Letsatsi la Tlhabololo ya Kolofo le Kgaolo la Andrew Mlangeni; Letsatsi la Metshameko le Setso la ga Nelson Mandela.

5.1.10 METSHAMEKO YA DIKOLO

Tshedimosetso ka ga diliki tsa dikolo le Bosimega jwa Bosetšhaba jwa Dikolo tsa Aforikaborwa mmogo le setlisa letlhogonolo sa Shingo ya thotloetso.

5.1.11 TSHEGETSO YA POROFENSE YA METSHAMEKO LE KGOLAGANO

Tshedimosetso ka ga Letlhomeso la Madi la DORA.

5.1.12 TSHEGETSO YA SAENSE

Tshedimosetso ka ga Lenaane la Basari ya Metshameko la Tona; mokgwa wa akademi; temogo ya talente; Lenaane la Tlhabololo la Thuto e e kwa Godimo (PDP); khonferense ya Metshameko & Boitapoloso ya Aforikaborwa (SASReCON); tshegetso e e neetsweng Setheo sa Aforikaborwa sa

Motshameko o o Gololesegileng mo Diritibatsing (SAIDS); mmogo le jenale ya ThinkSport.

5.13 TSHEGETSO YA DITIRAGALO TSE DI BOTLHOKWAMA

Tshedimosetso ka ga tshegetso ya puso e e neelwang ditiragalo tse di botlhokwa tse di tshwarwang ke Aforikaborwa.

5.1.14 MEKGWA YA KAMOGELO

Tshedimosetso ka ga Dikabelo tsa Metshameko; lenaane la baki ya botala jwa tlhaga la ga Andrew Mlangeni; Lenaane la Tona la Ditlotlomatso tsa Maemo a a kwa godimo tsa Tiragatso tsa Metshameko; batabogi ba le 100 ba ba kgethegileng thata e bile ba na le tlhotlheletso, bakatisi, batsamaisi le batlhankedi ba setegeniki (jaaka ba tlhagelela mo Bukeng e Nnye ya Botala jwa tlhaga); mmogo le patlisiso le tokomane ya hesitori ya metshameko mo nageng.

5.1.15 BATLAMEDI BA DITIRELO BA METSHAMEKO LE BOITAPOLOSO

Letlhomeso la Madi la Mekgatlho e e Amogetsweng ya Metshameko le thuso ka matlole e e amegang ya mekgatlho ya metshameko le boitapološo; tshedimosetso e e ka ga difedereišene tse di botlhokwa malebana le metshameko ya dikolo; difedereišene go amogela tshegetso e e tseneletseng malebana le ngwaga o o rileng; tshegetso e e neetsweng Loki ya Bosetšhaba ya Basekitibolo (NBL); neelo ya tshegetso ya ditšhelete le ya ditheo go Mabole a Aforikaborwa (BSA), ka e le setheo sa puso; mmogo le tshiamiso.

5.1.16 DIKAMANO TSA BODITŠHABA

Togamaano ya dikamano tsa boditšhaba le tshedimosetso ka ga dithefoso tsa dinaga tse pedi, dipuisano tsa dinaga di le dintsi, mmogo le seabe sa Aforikaborwa mo Kgaolong ya Botlhanano ya Khansele ya Metshameko le Tlhabololo ya Metshameko ya Mokgatlho wa Aforika, e pele e neng e le Khansele e Kgolo ya Metshameko mo Karolong ya Borataro ya Aforika (SCSA).

5.1.17 THULAGANYO YA DIBEBOFATSI TSA METSHAMEKO LE BOITAPOLOSO

Tshedimosetso e e amang le tshiamiso le karoganyo ya dibebofatsi; Lenaane la baagi la tlhabololo ya lebala la kolofo la Andrew Mlangeni; tlhabololo le/kgotsa tokafatso ya diphaka tsa go tshamekela tsa bana.

5.1.18 TSAMAISO YA DIBEBOFATSI TSA METSHAMEKO LE BOITAPOLOSO

Tshedimosetso e e amanang le thuso ya setegeniki go dipusoselegae le baamegi ba bangwe ba ba maleba go netefatsa kobamelo le melawana ya bosetšhaba mo kagong ya tsona le mo tsamaisong ya tsona ya metshameko mmogo le dipegelo ka ga tlhokomelo le tiriso ya Sejana sa Lefatshe sa FIFA sa 2010 FIFA.

5.2 TSHENOLO YA BOITHAOPO LE DIREKHOTO TSE DI LENG TENG KA TLHAMALALO

5.2.1 Go ya ka karolo 15(2) ya Molao o o kailweng fa godimo, Tona ya Metshameko le Boitapoloso o ne a neelana ka kitsiso mo Kaseteng ya Puso ya Volumu 582, ya Nomoro 37123, ya 13 Sedimonthole 2013, ka ga tlhaloso ya:

- (a) dikarolo tsa direkhoto tsa SRSA tse di leng teng ka tlhamalalo ntle le gore motho a kope go di fitlhelela go ya ka Molao o, go akaretsa dikarolo tse di leng teng –
 - (i) go tthatlhabiwa go ya ka peomolao ntle le Molao o;
 - (ii) go tswa mo setheong ntle le tuelo; le
- (b) ka moo o ka bonang phitlhelelo ya direkhoto tseo.

Lenane la Direkhoto le tsentswe mo webosaeteng ya SRSA, e leng www.srsa.gov.za. <http://www.srsa.gov.za/>

5.2.2 Go tshwanetswe go tlhokomelwa gore ditokomane tse di tswang kwa Mekgatlhong ya Puso e e begelang Tona; Difiedereišene; le Mafapha a Diporofense a a rweleng maikarabelo mo metshamekong le mo boitapolosong di teng go tswa mo mekgatlhong e e rileng / mo ditheong mme e seng SRSA. Fela, mo mabakeng a gore ditokomane tseo di tsentswe mo tokomaneng ya SRSA e e itsesitsweng mo setšhabeng, tshedimosetso e e amanang le ditokomane tseo e tla nna teng ka mokgwa wa pegelo/tokomane ya SRSA. Go tlaleletsa, dikgatiso di bonwa bonolo kwa Bokaeding: Papatso & Tlhaeletsano ka Moh Tersia Grobler, mo tersia@srsa.gov.za, kgotsa ka Mogala o: (012) 304-5016. Fa o batla dintlha tse di feletseng tsa ditokomane tse di fitlhelwang bonolo di teng mo Karolong 15 ya Lenane la Direkhoto le le kailweng kwa godimo.

5.3 THULAGANYO YA KOPO

5.3.1 Kopo e abelwa kgotsa e ganelwa fa go ntse jang:

Mokopi o tshwanetse go newa phitlhelelo ya rekhoto ya setheo sa puso fa a ikamaganya le tse di latelang –

- a) fa mokopi a ikamaganya le ditlhoko tsotlhe tsa dithulaganyo tse di mo Molaong tse di amanang le kopo ya phitlhelelo ya rekhoto eo; e bile
- b) phitlhelelo ya rekhoto eo ga e ganelwe go ya ka lebaka la kganelo le le kailweng mo Molaong.

5.3.2 Motho o kopa jang phitlhelelo ya rekhoto:

- a) Mokopi o tshwanetse go dirisa foromo (Foromo A) e e phasaladitsweng mo Kaseteng ya Puso (Kitsiso ya Puso R187 ya 15 Tlhakole 2002).
- b) Mokopi o tshwanetse go bontsha gape fa a batla khophi ya rekhoto kgotsa fa a batla go tla go lebelela rekhoto kwa dikantorong tsa setheo sa puso (SRSA). Kgotsa, fa rekhoto e se mo pampiring, e ka lebelelwa mo foromong e e kopilweng, fa go kgonagalang teng.
- c) Fa motho a kopa phitlhelelo ka mokgwa o o rileng (sekao, ka khophi ya pampiri, ka khophi ya ileketeroniki, jalo jalo) ka jalo mokopi o tshwanetse go nona phitlhelelo ka mokgwa oo, ntle le fa e le gore go dira jalo go tla kgoreletsa ka tsela e e sa amogelesegeng le tsamaiso ya setheo sa puso se se amegang (SRSA), kgotsa ga senya rekhoto, kgotsa go itlhokomolosa tshwanelo ya khophi e e seng ya puso. Fa phitlhelelo e sa kgonwe go newa ka foromo e e kopilweng ka mabaka a a utlwagalang fela ka foromo e nngwe, madi a tshwanetse go balelwa go ya ka tsela e mokopi a dirileng kopo ya yona lwa ntle ka gone.
- d) Fa, ka tlaleletso ya karabo e e kwadilweng ya kopo ya gagwe ya rekhoto, mokopi a batla go bolelelwa ka ga tshwetso ka tsela nngwe, sekao, ka mogala, seno se tshwanetse go tlhagisiwa.
- e) Fa mokopi a batla tshedimisetso mo boemong jwa motho yo mongwe, o tshwanetse go tlhagisa maemo a kopo e diriwang ka ona.
- f) Fa mokopi a sa itse go buisa kgotsa go kwala, kgotsa a na le bogole, kopo ya rekhoto e tla diriwa ka molomo. Motlhankedi wa tshedimisetso o tshwanetse go tlatsa foromo mo boemong jwa mokopi yo o ntseng jalo mme a mo neele khophi e e tladitsweng ya foromo.

5.3.3 Madi a a duelwang

Go na le mekgwa e le mebedi ya tuelo e e tshwanetseng go duelwa go ya ka Molao, e leng; tuelo ya kopo le tuelo ya phitlhelelo (ka kitsiso ya tshwetso malebana le neelo ya phitlhelelo).

- a) Mokopi yo o batlang phitlhelelo ya rekhoto e e nang le tshedimose tso ka ga mokopi yoo ga a tshwanelwa go duela madi a phitlhelelo. Mokopi mongwe le mongwe yo mongwe o tshwanetse go duela madi a kopo a a kana ka R35 (e e duelwang kwa ditheong tsa puso).
- b) Motlhankedi wa atashedimose tso o tshwanetse go itsise mokopi (ka ntle ga mokopi ka boena) ka kitsiso, e e batlang gore mokopi go duela madi a a kailweng a kopo (fa a le teng) mme a a diposite (fa a le teng) pele kopo e rulagangwa go ya kwa pele.
- c) Mokopi a ka dira boikuelo jwa ka fa gare, fa go leng maleba, kgotsa a dira kopo kwa kgotlatshekelong kgatlhanong le thendara kgotsa tuelo ya madi a kopo.
- d) Fa Motlhankedi wa Tshedimose tso a fetsa go tsaya tshwetso ka ga kopo, mokopi o tshwanetse go itsisewe ka tshwetso eo ka tsela e mokopi a batlileng go itsisewe ka yona.
- e) Fa kopo e sena go neelwa madi a mangwe a phitlhelelo a tshwanetse go duelwa malebana le tlhagiso le go batla le go rulaganya malebana le nako nngwe le nngwe e e batliwang go fetisa diura tse di kailweng go batla le go rulaganya rekhoto mabapi le tshenolo.
- f) Phitlhelelo ya rekhoto e tla tshwarwa go fitlha mokopi a duela madi otlhe a a batlegang.
- g) Madi fela a a duelelwang phitlhelelo ya rekhoto (fa a le teng) a a a tlhagisitsweng mo tleloseng ya 4 ya kitsiso go ya ka karolo 15(2) ya Molao, ke madi a a kailweng a go tlhagisa gape.

6. DITIRELO TSE DI LENG TENG GO SETŠHABA LE GORE DI KA FITLHELELWA JANG

6.1 Ditirelo

Ditirelo tsa Lefapha di ikaegile ka ntlha ya 5.1 ya Bukana e

- a) Badirisi ba SRSA ba na le kgolagano ya tlhamalalo le Lefapha. Fela, go botlhokwa gore o ikoganye le Mafapha a diporofense a a ikarabelang mo

metshamekong le mo boitapolosong ka ditlhotlhomiso le ditirelo tse di amanang le porofense. Mafapha a, a diporofense a dirisana le gokagana le SRSA.

- b) Ditirelo tsa SRSA jaaka go nna le seabe ga bontsi ga batho mo metshamekong kwa baaging le kwa dikolong; tlhabololo le go neela ditlhophha tsa metshameko didirisiwa; le go neela kgakololo ya setegeniki ka go tlamela ka dibebofatsi tsa metshameko le boitapoloso di ka fitlhelwa kwa Mafapheng a diporofense a a ikarabelang mo metshamekong le mo boitapolosong. Fela go tshwanetswe go thalosiwa gore tlamelo ya dibebofatsi ka bo yona, ke maikarabelo a dimmasepala. SRSA se nna le seabe mo lenaaneng le ka Kabelo ya Mafaratlhatlha ya Mmasepala e e tsamaisiwang ke dimmasepala ka botsona.
- c) Fela, tshedimosetso e nngwe ka ga SRSA, sekao, ditlhagisiwa tsa sona tse di jaaka dipegelo le dikgatiso tse dingwe, di ka bonwa kwa Bokaedingbogolo jwa Papatso le Thaeletsano ka motlhankedi/batlhankedi ba ba neetsweng mo ntlheng ya '6.2' kwa tlase. Setšhaba le sona se na le phitlhelelo mo webosaeteng e ya SRSA, www.srsa.gov.za. <C:\Users\pietsh\Documents\Justice\target\www.srsa.gov.za>

6.2 Ka moo o ka bonang phitlhelelo ya ditirelo ka teng

Badirisi ba SRSA ba ka fitlhelela ditirelo tsa sona ka go dira dikopo go:

6.2.1 Mokaedikakaretso: Metshameko le Boitapoloso ya Aforikaborwa

a) Aterese ya Poso:

Private Bag X896
PRETORIA, 0001
Rephaboliki ya Aforikaborwa

b) Aterese ya Mmila:

Regent Place
66 Mmila wa Queen
PRETORIA
(E magareng ga Mmila wa Thabo Sehume le wa Lilian Ngoyi Streets, mme botseno jwa dijanaga bo fitlhelwa kwa sekutlong sa Mmila wa Thabo Sehume le wa Helen Joseph)

6.2.2 Ka dipotso tsa kakaretso, o ka leletsa switchboard mo nomorong e ya mogala: (012) 304-5000; kgotsa wa ikgolaganya le Tersia ka go dirisa:

a) Mogala: (012) 304-5016

b) Imeili: tersia@srsa.gov.za <mailto:tersia@srsa.gov.za>

c) Fekese: (012) 323-7872

d) Webosaete: www.srsa.gov.za

7. THULAGANYO E E LETLELELANG GO NNA LE SEABE GA SETŠHABA MO GO DIRENG PHOLISI LE TIRAGATSO YA DITIRO

7.1 Pholisi ya Tshedimose tso le Peomolao

- a) SRSA se golagana le baagi ka tšhamalalo ka go dira gore ba kgone go tlhagisa matshwenyego le ditshitshinyo tsa gore ba batla gore metshameko le boitapoloso di tsamaisiwe jang mo Aforikaborwa ka lenaane la sona la go nna le seabe ga bonsti. Tshwaelo ya bona e sedimosa tsela e Lefapha le rulaganyang dipholisi tsa lona ka teng.
- b) Lenaane la go nna le seabe ka bontsi le ikaeletse go rotloetsa Maaforikaborwa a le mantsi go nna le seabe ka gale mo ditirong tsa metshameko kgotsa tsa boitapoloso kwa sekolong le/kgotsa kwa baaging.
- c) Lefapha le na gape le tsela e e lolameng le Difedereišene le mekgatlho e mengwe ya metshameko, mekgatlho ya dipatlisiso ya metshameko, le ditheo tsa thuto e kgolwane, tse tshwaelo ya tsona e elwang tlhoko fa go diriwa dipholisi.
- d) Ka tshwaragano le Komiti ya Tiro ya Metshameko le Boitapoloso, Lefapha gape le golagana ka tšhamalalo le baagi go reetsa megopolo ya bona ka ga peomolao ya tlhomo.
- e) Tona le Motlatsatona le bona ba nna le seabe mo manaaneng a go fitlhelela le mo Manaaneng a Kgolagano le Baagi.
- f) Baithaopi le baithutelatirong ba ba nang le seabe mo manaaneng a SRSA ba neelana ka ditshwaelo mo manaaneng le mo dipholising ka dikopano le dipegelo.
- g) Ditheetso le diwekešopo
- h) Le fa go tšenela dingwe tsa diforamo go ikaegilwe ka taletso fela, setšhaba se ka tšenela le go dira ditlhagiso kwa ditheetsong le diwekešopo tsa SRSA.

8. DIPAAKANYO TSE DI LENG TENG MABAPI LE DIKGATO KGOTSA DITHETELO MABAPI LE GO DIRA

Dithulaganyo tse di latelang di teng go batho go bega kgotsa go baakanya ditiro tsa semmuso tsa magatwe tse di sa tšhamalalang, ditiro tse di sa siamang kgotsa tse di seng mo molaong kgotsa ditlhokomologo tsa SRSA kgotsa badiri ba sona.

8.1 Dithulaganyo tsa go bega kgotsa go baakanya

- a) Dipaakanyo tse di mabapi le dikgato kgotsa dithetelo mabapi le go dira go ya ka Molao wa Thotloetso ya Phitlhelelo ya Tshedimosetso: Taolo ya boikuelo ka fa gare go ya ka maikaelelo a Molao o ke ya Tona ya Metshameko le Boitapoloso (dikarolo 74 – 77). Fa go sena go fetswa paakanyo ya boikuelo ka fa gare, kopo e ka diriwa le kgotlatshekelo (dikarolo 78 – 82).
- b) Modiredi wa puso a ka tlhagisa tshwenyego kgotsa ngongorego go batlisisiwa ke Khomišene ya Tirelo ya Puso e e amanang le tiro ya semmuso kgotsa tlhokomologo (karolo 35 ya Molao wa Bodiredipuso wa 1994). Melao ya gore o ka tlhagisa ngongorego eo / matshwenyego ao e ne ya phasaladiwa mo Kaseteng ya Puso ya nomoro 23635 ya 19 Phukwi 2002.
- c) Motho a ka dirisa dipaakanyo tsa tiro malebana le ditiro tsa semmuso kgotsa ditlhokologo tse di amanang le tiro, tse di jaaka dikgotlhang tsa ditshwanelo (Molao wa Bodiredipuso wa 1994, le Molao wa Dikamano tsa Badiri wa 1995);
- d) Motho a ka tlhagisa ngongorego go motlhatlhabi wa tiro malebana le magatwe a go itlhokomolosa Molao wa Maemo a a Botlhokwa a Thapo wa 1997 (Molao wa No. 75 wa 1997 - karolo 78(1)(a)), kgotsa Molao wa Tekatekano kwa Tirong wa 1998 (Molao wa No. 55 wa 1998 - karolo 34(e)).
- e) Motho a ka thagisa ngongorego le Mosireletsi wa Setšhaba malebana le pelaelo ya tiro ya semmuso e e seng mo molaong kgotsa e e sa siamang kgotsa tlhokomologo (Molaotheo le Molao wa Mosireletsi wa Setšhaba wa 1994 (Molao wa No. 23 wa 1994)).
- f) Motho a ka tlhagisa ngongorego le Khomišene ya Ditshwanelo tsa Botho ya Aforikaborwa malebana le tiro ya semmuso kgotsa tlhokomologo e e belaelwang e gataka kgots e tshosetsa tshwanelo nngwe le nngwe e e botlhokwa (Molao wa Khomišene ya Ditshwanelo tsa Botho wa 1994 (Molao wa No. 54 wa 1994)).
- g) Fa o batla gore o sirelediwe mo boipusolosetsong ka ntlha ya tshenolo e e malebana le maitsholo a a seng mo molaong kgotsa a a sa tlhamalalang a mothapi kgotsa modirimmogo, motho yo o amegang a ka latela dithulaganyo tsa tshenolo tse di mo Molaong wa Ditshenolo tse di Sireleditsweng wa 2000 (Molao wa No. 26 wa 2000).
- h) Tiriso ya dipaakanyo tse dingwe tsa semolao tse di jaaka tlhagiso ya dithulaganyo tsa tshekatsheko ya bosiamiso jwa tsamaiso ya tiro go ya ka

Molao Thotloetso ya Tsamaiso ya Bosiamisi wa 2000 (Molao wa No. 3 wa 2000).

8.2 Dipaakanyo tse dingwe tse di thusang

8.2.1 Motho a ka kopa mabaka a kgato ya tsmaiso go ya ka Molao wa Thotloetso ya Tsamaiso ya Bosiamisi wa 2000 (karolo 5).

8.2.2 Motho a ka kopa phitlhelelo ya direkhoto tsa lefapha la puso kgotsa setheo se sengwe sa puso go ya ka Molao wa Thotloetso ya Phitlhelelo ya Tshedimosetso wa 2000 (karolo 11).

8.3 Tiro ya go bega

8.3.1 Modiredipuso, ka nako ya ditiro tsa gagwe tsa semmuso, o pateletsega go begela bothati jo bo maleba, tsietso, bobodu, go thapa ka losika, tsamaiso e e sa siamang le tiro nngwe le nngwe e e tlholang tlolomolao kgotsa e e kgoreletsang kgatlhego ya setšhaba go ya ka Molawana wa Maitshwaro wa badiredipuso. Modiri yo o retelelwang ke go obamela seo molato wa maitshwaro a a sa siamang. (Molawana B.3 le C.4.10 wa Kgaolo ya 2 ya Melawana ya Bodiredipuso ya 2001).

8.3.2 Maikarabelo a mothapi mongwe le mongwe le modiri go senola maitshwaro a bosenyi kgotsa maitshwaro mangwe le mangwe a a sa tlhamalalang kwa tirong le ona a thusa Molao wa Ditshenolo tse di Sireleditsweng wa 2000 (Pulamadibogo).

9. TLHABOLOLO YA BUKANA LE KITSISO GO YA KA KAROLO 15 YA MOLAO

9.1 SRSA se tla tlhabolola le go phasalatsa bukana ya yona fa go tlhokega jaaka go kailwe mo karolwaneng (1) ya Karolo 14, ka dipaka dipaka tse di sa feteng ngwaga.

9.2 Go ya ka Molao, tlhaloso nngwe le nngwe go ya ka karolo 15(1) e tla phasaladiwa kgotsa ya tlhabololwa (fa go le maleba), ka kitsiso mo Kaseteng, gangwe le gape e seng ka fa tlase ga gangwe ka ngwaga kgapetsakgapetsa. Phasalatso e/tlhabololo e tla nna ka ditshenyegelo tsa SRSA.

9.3 Motlhankedi wa Tshedimosetso a ka phimola karolo nngwe le nngwe ya rekhoto e e tlhagelelang mo karolong 15(1)(a) ya Molao, e malebana le kopo ya phitlhelelo, e ka ganelwang kgotsa e tshwanetseng go ganelwa go ya ka Molao.

9.4 Go ya ka karolo 15(5) ya Molao, dikaelo tsa karolo 11 (Tshwanelo ya phitlhelelo ya direkhoto tse ditheo tsa puso) le kaelo nngwe fela mo Molaong o e e amanang le karolo e e sa tswang go kaiwa, ga di dire mo karolong nngwe le nngwe ya direkhoto tse di akareditsweng mo kitsisong go ya karolo 15(2) ya Molao.

10. GO NNA TENG GA BUKANA

Bukana e, e tla phasaladiwa ka fa tlase ga karolo 92 kgotsa Molao go ya ka molawana 4(a) wa Melawana e e ka ga Thotloetso ya Phitlhelelo ya Tshedimosetso (GN No. 1244 ya 22 Lwetse 2003), le go nna teng bonnye ka dipuo di le tharo tsa semmuso ka mokgwa o o latelang:

- a) e tla romelwa kwa Khomišeneng ya Ditshwanelo tsa Botho ya Aforikaborwa
- b) bewa mo kantorong nngwe le nngwe ya SRSA fa SRSA e amogelwa mo kagong ya dikantoro e e fetang e lenngwe; le kwa kamogelong ya kago ya dikantoro tsa SRSA ya ga jaana (Regent Place); le go tsenngwa mo webosaeteng ya SRSA e, www.srsa.gov.za . Bukana e tla romelwa gape kwa ditheong tsa puso tse di ikarabelang kwa Toneng ya Metshameko le Boitapoloso.[C:\Users\pietsh\Documents\Justice\target\www.srsa.gov.za](file:///C:/Users/pietsh/Documents/Justice/target/www.srsa.gov.za)

Metshameko le Boitapoloso ya Aforikaborwa – Gore O nne Matlhagatlhaga